



## Damondas da baghegiar

Nr. 128/2023

Datum da publicaziun: 06-10-2023

Patrun: Bass Norbert, 7172 Rabius

Liug e parcelas: Rabius-Campieschas; 356

Object: installaziun d'in indrez fotovoltaic

Il profils ein tschentai ed ils plans da construcziun ein deponi tier la canzlia communal.  
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 06-10-2023

*Cumissiun da baghegiar*

## Elecziuns naziunals e votaziun cantunala dils 22-10-2023 mira pagina 3 da quest FUS

**L'urna ei aviarta** (en canzlia communal)

gievgia e venderdis mintgamai duront las uras da spurtegl  
dumengia, ils 22-10-2023, dallas 10.00 – 11.00 uras

**Sonda e dumengia, ils 21 e 22 d'october 2023 mintgamai avon il survetsch divin en las fracziuns.**

Il cedels da votar ein vegni distribui. Tgi ch'ei aunc buc en possess da tals ei supplicaus da s'annunziar tier l'administraziun communal.

**Adatg!**

**Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriver. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sil certificat pil dretg da votar.**

Sumvitg, 06-10-2023

*Biro electoral*

## Preparaziun sin temps d'unviern

Tenor art. 69 dalla lescha da baghegiar ei la vischnaunca autorisada da schar dismetter la neiv dils implonts publics d'avertura sil schischom privat cunfinont cun prender il duiu risguard sin baghetgs, implonts e cultiras. Per liung dallas vias publicas e privatas ein seivs demontablas ni implonts da tal gener d'allontanar. Ultra da quei ston caglias e roma vegnir tagliadas anavos aschia che la rumida da neiv vegn buca impedida.

Quellas lavurs da preparaziun sil temps d'unviern ston vegnir exequidas entochen alla fin d'october 2023. En cass d'omissiun refusescha la vischnaunca suenter la sesiun d'unviern scadins donns occuri ord la rumida da neiv.

Sumvitg, 06-10-2023

*Departament traffic*

## Rumida da neiv 2023/2024

La vischnaunca exequescha era uonn puspei sin incarica la rumida da neiv per privats. L'indemnisaziun per quella lavur corrispunda allas cundiziuns che l'industria privata pretenda. Plinavon sto quella dismessa da neiv star anavos en prioritad alla rumida dils implonts publics d'avertura. Sche pusseivel duei l'incarica vegnir surdada alla vischnaunca mo leu nua che quella procura era la dismessa dallas vias cunfinontas. Vischinas e vischins che vulan schar exequir la vischnaunca la rumida da neiv da lur vias e parcadis privats durant gl'unviern proxim ein supplicai d'annunziar quei a scret ni per telefon entochen ils **31 d'october 2023** al cau dil menaschi stradal (tel. 079 483 52 97).

Sumvitg, 06-10-2023

*Departament traffic*

## Curdem da gronda dimensiun

La vischnaunca organisescha ina rimnada da rufid bloccont sco suonda:

### **Venderdis, ils 27 d'october 2023 dallas 08.00 - 18.00 uras**

**Ei vegn rimnau il rufid per l'entira vischnaunca sin la piazza Igniu** (spel baghetg economic)

Ils curdems ein da deponer els containers ni navettas tschentai sil plaz. Per tener-casa vegn priu encunter **max. 2 m<sup>3</sup>** rumians. Quantitads pli grondas ein da transportar directamein e sin cuost dil caschunader ella deponia regiunala a Rueun. Rumians vegnan buca pri encunter. Tals rumians ein da plazzar als plazz da rimnada usitai els vitgs e che vegnan rimnai entras la Regiun Surselva mintgamai la mesjamna.

Ei vegn acceptau

- maschinas pintgas e mopeds senza ieli e benzin, da tuttas sorts fier, maschinas electronicas senza ieli, mobiliar movibel buc culau giu, requisits dil temps pigns
- per pneus senza gavegl vegn incassau ina taxa da frs. 5.--, cun gavegl frs. 10.--
- per pneus da maschinas agricolas pintgas vegn incassau frs. 20.-- e per pneus da tractur frs. 50.--.
- Calzers da skis san vegnir dai giu en favur dalla ARGO Tavau per frs. 5.--

**Buca** acceptau vegnan

- tuttas maschinas agricolas, lenna da brisch, veglia e da baghetg, sacs da pupi ni plastic, materials da pachetar, requisits dil temps liber gronds, blachas da ballas da silo, curdems da baghetg, curdem verd da curtin (deponia verda), cartun e pupi vegn rimnau entras la scola

Ils suandonts rumians vegnan rimnai cun ils rumians jamnils:

- sacs tochen 50 kg; 1 marca da frs. 2.50, rumians pigns tochen 100 cm liung / 60 cm lad / 60 cm ault e pli levs che 12 kg; 2 marcas da frs. 2.50 e rumians pigns tochen 100 cm liung / 60 cm lad / 60 cm ault entochen ina peisa da 30 kg; 3 marcas da frs. 2.50.

Nus appelein alla responsabladad da vischinas e vischins e supplichein da setener vid quellas directives en favur digl ambient. Medemamein fagein nus attents da buca deponer rumians sin deponias illegalas (selvadias). Talas deponias cunterfan alla legislaziun per la dismessa da rumians e vegnan annunziadas als organs responsabels e puni.

Per ulteriuras informaziuns stat la geraua responsabla bugen a Vossa disposiziun.

Sumvitg, 06-10-2023

*Departament ambient*

## **Allianza dil Center Surselva envida ad ina occurrenza publica ils 11 d'october 2023**

Mesjamna, ils 11 d'october 2023 organischescha l'Allianza dil Center Surselva ina sera tematica davart il luf. L'occurrenza ha liug allas 20.00 uras el Center Fontauna a Mustér.

### **Program**

referats

- "luf e biodiversitad", biolog Stefan Züger
- "luf e politica", Cussegliaer dils stans Stefan Engler
- "luf e turissem", co-president AdC GR e CEO Surselva Turissem
- "luf ed agricultura", co-president da fracziun AdC GR e pur

discussiuin libra

L'Allianza dil Center Surselva envida in e scadin a questa sera tematica a Mustér en Sala Fontauna.

Sumvitg, 06-10-2023

*Allianza dil Center Surselva*

## **Cuminonza «pro S. Benedetg, Clavadi e contuorn»**

**Invitaziun alla 19. radunonza generala, ils 7 d'october 2023** allas 20.00 en l'ustria Miraval.

### **Tractandas:**

1. Beneventaziun / appel
2. Elecziun dils dumbravuschs
3. Protocol e lur aprobaziun
4. Rapport annual dil president
5. Rapport dils cuitgs
6. Rapport dalla cassa / dils revisurs / aprobaziun
7. Budget 2023 – 2024
8. Programm da lavur 2024
9. Mmidada da structura dall'uniun tenor proposta president
10. Datum radunonza generala 2024
11. Propostas dallas comembras/ers
12. Varia

Plaid final dil president. Sin stedia participaziun selegra la suprastonza

## **Meisa da miezdi a Cumpadials**

Nadja Scolieri e Team organischescha ensemen culla Pro Senectute Surselva la meisa da miezdi (Mittagstisch) inagada per meins a Cumpadials. Igl intent dalla meisa da gentar ei da promover la cuminonza denter persunas ella vegliadetgna dalla pensiun ella vischnaunca da Sumvitg e contuorn.

Liug: Ustria dalla Staziun, 7176 Cumpadials

Datum: **venderdis, ils 13 d'october 2023 allas 12.00.**

Annunzias ein da far entochen mesjamna ils 11 d'october tier Ustria dalla Staziun, Telefon 081 943 19 22

## **Uniun da dunnas Vinavon**

### **Cuors rollas da primavera cun Lyly**

Lyly Hoai Huong Decurtins organisescha per nus in cuors da cuschinar vietnames. Ella muossaco preparar las tradiziunalas rollas da primavera. Alla fin dil cuors schein nus gustar las rollas cun ina bubronda vietnamesesa. Mintgin/a sa lu prender a casa sper il recept era tschun rollas da primavera.

Temps: **Sonda, ils 28-10-2023** allas 13.00–17.00

Liug: Ell'foyer dalla casa da scola a Sumvitg

Prender cun: ina sfatta, in aissetta da tagliar, in grond cunti, scatla da prender a casa las rollas da primavera

Per plascher s'annunziar entochen ils 15-10-2023 tier Sonia Veckmans, 079 923 39 54

### **Kurs Frühlingsrollen mit Lyly**

Lyly Hoai Huong Decurtins organisiert für uns einen vietnamesischen Kochkurs. Sie zeigt uns, wie man Frühlingsrollen zubereitet. Am Ende des Kurses werden wir gemeinsam einige Rollen mit einem vietnamesischen Getränk geniessen, und jede/jeder wird das Rezept und fünf Frühlingsrollen nach Hause mitnehmen können.

Zeit: **Samstag 28.10.2023, von 13–17 Uhr**

Ort: Im Foyer des Schulhauses in Sumvitg

Mitbringen: Gemüseriebe, Schneidebrett, grossen Küchenmesser, Schachtel zum Mitnehmen der Frühlingsrollen

Anmeldungen gerne bis am 15.10.2023 bei Sonia Veckmans, 079 923 39 54

## **Biblioteca Trun**

**Pauli, il lieuret raquent a venderdis, ils 6 d'october 2023**, allas 14.30 ord in cudisch da historias ad affons denter 3 e 6 onns che vegnan accumpignai da lur mumma, bab, tatta ni tat. cordialmein envida *il team dalla biblioteca*